

清同光間外交史料拾遺

六

清同光間外交史料拾遺卷五

其他

復議大臣條陳

請飭兩江總督沈葆楨查拿匿名揭帖者

「光緒二年」二月初四日

謹

奏為請

旨飭查事。光緒二年正月三十日。臣衙門收到公文一角外面

填註遞至總理各國事務衙門告投字樣。當即開拆。

封內並無公文祇有致臣奕〔訖〕一函函外下銜填註前翰

林院侍讀學士李承霖謹呈字樣內有揚防銘武

軍公啟及台灣軍次紀事詩清摺兩扣並無信件

查閱外封印文模糊並有粘補塗改痕迹其為匿名

揭帖託名混投已可概見臣等伏查刑律內載凡投貼

隱匿自己姓名文書告言人罪者絞監候雖實亦坐

又條例內載凡兇惡之徒不知國家事務捏造悖謬言

詞投貼匿名揭帖者將投貼之人擬絞立決捏造尋常

謬妄言詞無關國家事務者依律絞候凡布散匿名

揭帖及投遞部院衙門者俱不准行仍將投遞之人拏送刑部照例治罪胥役匿名揭告本管官如所告得實仍照例擬絞監候若係誣告擬絞立決凡拾獲匿名揭帖者即將原帖銷燬不准具奏惟闕係

國家重大事務者密行奏

聞候

旨密辦各等語是投匿名文書告言人罪定律本極嚴明此次投遞臣衙門函件竟敢粘補外封塗改字迹且於信封上將李承霖出名種種膽大妄為實屬意存嘗試除外封印信既言李承霖列名兩層顯

係虛捏毋庸置議外其捏造匿名揭帖之人亟應確
切根究以懲訐告之風相應請

旨飭下兩江總督沈葆楨密飭查拏務獲按律科罪所

有原投封函各件由

臣

衙門遞交兩江總督查收核辦

至此件清摺內瀝陳銘武軍尅扣軍餉等情事關
軍務可否

飭下兩江總督一併密辦之處恭候

聖裁除將臣衙門所收揚防銘武軍公啟暨台灣軍次
紀事詩清摺二扣照錄封送軍機處備查外理合

恭摺請

旨伏乞

皇太后

皇上聖鑒謹

奏

議復舉人廖連城所奏四款請飭南北洋

大臣酌行折

「光緒三年」三月十七日

謹

奏為遵

旨議奏事、光緒三年二月初二日准軍機處交片內開、本

日軍機大臣面奉

諭旨都察院奏、江西舉人廖連城呈遞管見四條、據呈
代奏一摺、著該衙門議奏、欽此、抄錄原摺、單知照、臣衙

門欽遵辦理。臣等查舉人廖連城呈請代奏條
列者四。其一請禁市設烟館。俾匪徒無處勾結。以
散奸黨。而弭內憂。前鑒於粵匪。近慮及哥老會。
而推原於保甲之疏。市設烟館之藏匿勾結。所慮
不為無見。惟辦理保甲。查禁煙館。於中外通商固
無窒碍。亦地方官吏自有責成。似毋庸另行置議。
至於雲南等省新立洋人埔頭之處。請移兵備道
坐鎮。以安民教。而固和好一節。查洋人議立埔頭。係
為通商起見。自庚申立約以後。傳教兼及內地。蔓延既
廣。應由各地地方官遇事持平妥辦。勢不能專藉兵備

道坐鎮之力上年議結滇案雲南四川各郡雖有准
派洋員往彼察看情形之說並未作為通商埔頭其
議定作為口岸之處如新開湖北宜昌等口業經
責成各該管道就近經理此外凡屬通商口岸皆有
道員兼充監督專膺其責亦無事別有更張所
請設台灣水師提督添練水勇三千為東南五省
犄角因歷陳台境關係緊要情形度勢揆時亟
應籌備惟上年十二月間侍郎袁保恒奏請將
福建巡撫改為台灣巡撫一摺業經吏部會同臣
衙門奏復所請改為台灣巡撫之處應毋庸議今

該舉人廖連城所請添設水師提督一層應一
並無庸置議且台灣應辦事宜現經撫臣丁日昌
切實整頓如有應行變通及添練水勇之處自必
相機逐漸議行亦無事懸擬辦法至謂濱海七
省整飭海防萬全無患因有五策之陳目等逐
條核議雖所言未必悉中肯要而謀事集益不
厭求詳擬請

飭下南北洋大臣如有可采之處酌量施行所有臣
衙門遵

旨議奏緣由謹繕摺具陳伏候

皇太后

皇上聖鑒訓示謹

奏

擬請采買洋米以濟民食折

〔光緒三年？〕七月初三日

謹

奏為擬請採買洋米以濟民食恭摺仰祈

聖鑒事竊查本年自春徂夏雨澤愆期災祲漸形宜籌補

救伏讀本年五月十九日奉

上諭御史佛爾國春奏天氣亢旱請設廠平糶一摺著戶部

議奏欽此仰見

軫恤災黎

勤求無已之至意凡屬臣工皆宜竭盡愚忱仰紓

宵旰因思平糶救災必賴倉儲有備自軍興以後海運
漕糧京倉難期足額刻值亢旱成災勉為出穀
暫行則可持久為難是採辦米石不可不亟講
矣惟近年兵氛水旱各省環生民食均虞不足一
經他省採買則本省之米立少而價倍昂是此省
之米未充而先令彼省食貴此省之民未贍而先令彼
省受累亦非酌盈劑虛之道也臣等素聞安南呂宋

等國皆屬外洋產米之區。若與外國洋商議明價值
運腳令其順赴各處採買來華。俾資接濟。以之放賑
平糶存倉均無不可。當經據情咨商戶部。去後。茲據
覆稱。倉儲支絀。內地採買諸多窒礙。如外國洋商可以
代買米石。轉運來華。以備放賑。平糶等用。則救荒之
策莫善於此等語。臣等查採辦洋米行之目前。乃一
時變通之術。既與戶部公商意見相同。自應立時舉
辦。但此項米石來自外洋。海程寫遠。若再輾轉遲延。
時交冬令。津河凍阻。運京恐屬緩不濟急。為今之計。
必須趕緊籌辦。方於救荒有裨。如蒙

俞允_目等即一面確訪價值運腳等項一面籌備鉅款交洋人順赴各處採買以期源源而來至將來運京後或平糶或放賑或加放兵米一切事宜再由_目衙門咨商戶部悉心會議續行奏

聞所有_目等擬請採買洋米以濟民食緣由理合恭摺具陳
是否有當伏乞

皇太后

皇上聖鑒訓示遵行謹

奏

請飭出使大臣將交涉事宜逐日登記

匯冊咨送以備查核片

〔光緒三年〕十一月初一日

再前因籌議海防事宜據李鴻章李宗義
王凱泰等先後條陳以各國宜選明白洋務
之人隨時遣使以宣威信通情款各國如何情
形隨時馳報庶幾耳目較靈不致中外隔閡
等因各在案是出使一事凡有關係交涉事
件及各國風土人情該使臣皆當詳細記載

隨時咨報數年以後各國事機中國人員可以洞悉即辦理一切似不至漫無把握上年出使英國臣郭嵩燾出京後將由滬至倫敦逐日程途見聞各事編為日記一冊郵寄臣衙門查閱其中據事直書措詞原有未經修飾之處然於沿途情形已可一覽而識嗣據翰林院編修何金壽以日記立言失體奏請燬禁等因欽奉

諭旨該衙門知道欽此臣衙門旋接郭嵩燾函稱聞出使德國臣劉錫鴻告以已為何金壽奏